

之具也...遂爲道士...
卷之四

處州青田縣清溪觀古鐘歸驗

處州青田縣清溪觀古鐘歸驗
青田字人或記焉其後温州烏嶼山下水中舟人時聞鐘
咽不遠一旦有人忽見水中一物如半鐘之形側露不
視之既近即覆矣露其一半認其模範之跡蒲牢之形乃鐘也
以物觸之沈於水中矣與人語其異好事者乘舟看之天氣晴
霽亦時一見州寺僧結綵舫具幡花致齋迎之或經宿水上道
場禮懺而請或得見之尋又沈去道門亦備幡花舟舫香火迎
之見而不得清溪道士時亦有迎鐘衆中稽首祝之曰此州觀

道藏輯要

雲笈七籤
十三

聖

井集六
ノ上

寺皆自有鐘唯清溪觀無鐘多年極是闕事遠地不辦香花丹
心而已鐘若有靈願泝流自往某旬日即歸於觀前溪中奉候
衆聞其說皆笑之十餘日道士歸青田鐘已在觀前澤中矣焚
香迎之汎汎就岸重千餘斤數人挽曳懸掛若百許斤爾自後
時亦飛去旬日卻回今以大鎖繫之不復去矣其上墨書青田
字久在水中宛然不滅并邑老人詳認其字乃觀中舊鐘也

青城山宗玄觀銅鐘不能損驗

青城山宗玄觀古跡銅鐘三千餘斤隱花文飛仙幢節之狀工
甚精好劉闢據成都取觀內銅像大鐘鑄兵器及錢此鐘差縣
人挽曳下山磨其上隱起花文欲盡頰以巨石捶擊終不能損